

SAMANTEKT Á EIGINLEIKUM LYFS

1. HEITI DÝRALYFS

Ketador vet. 100 mg/ml stungulyf, lausn.

2. INNIHALDSLÝSING

1 ml inniheldur:

Virk innihaldsefni:

Ketamín (sem hýdróklóríð) 100 mg

Hjálparefni:

Benzethoníumklóríð 0,1 mg

Sjá lista yfir öll hjálparefni í kafla 6.1.

3. LYFJAFORM

Stungulyf, lausn.

Tær, litlaus eða nærri litlaus lausn.

4. KLÍNÍSKAR UPPLÝSINGAR

4.1 Dýrategundir

Hestar, nautgripir, svín, hundar, kettir.

4.2 Ábendingar fyrir tilgreindar dýrategundir

Til notkunar eitt sér til að valda hreyfingarleysi við minni háttar skurðaðgerðir á köttum þegar vöðvaslökunar er ekki þörf.

Til innleiðingar svæfingar:

- a) ásamt detomidíni hjá hestum.
- b) ásamt xylazíni hjá hestum, nautgripum, hundum og köttum.
- c) ásamt azaperóni hjá svínum.
- d) ásamt medetomidíni hjá hundum og köttum.
- e) ásamt díazepamí hjá hundum

4.3 Frábendingar

Gefið ekki:

- dýrum með alvarlega skerta hjartastarfsemi, grun um lungnasjúkdóma, greinilega hækkun blóðþrýstings, kvilla í heilaeðum.
- dýrum með lifrar- eða nýrnakvilla.
- með fæðingarkrampa (eclampsia), meðgöngueitrun (pre-eclampsia), gláku eða krampakvilla (t.d. flogaveiki).
- við skurðaðgerðir á koki, barkakýli, barka eða berkjugreinum ef ekki er hægt að tryggja nægilega slökun með gjöf vöðvaslakandi lyfs (barkapræðing er nauðsynleg).
- dýrum sem gangast undir mænumyndatöku (myelogram).

Gefið ekki dýrum sem hafa ofnæmi fyrir virka efninu eða einhverju hjálparefnanna.

Ekki má nota lyfið eitt og sér til svæfingar handa neinu dýri nema köttum.

4.4 Sérstök varnaðarorð fyrir hverja dýrategund

Við mjög sársaukafullar og stórar skurðaðgerðir, sem og til viðhalds svæfingar er nauðsynlegt að gefa lyfið ásamt öðrum svæfingarlyfjum til inndælingar eða innöndunar. Vegna þess að ekki er hægt að ná fram nægri vöðvaslökun til skurðaðgerða með ketamíni einu sér þarf að nota vöðvaslakandi efni samtímis. Til að bæta svæfingu eða lengja verkun er hægt að gefa ketamín ásamt α_2 -örvum, svæfingarlyfjum, sefunarlyfi og sterku verkjalyfi (neuroleptanalgesics), róandi lyfjum og svæfingarlyfjum til innöndunar.

Greint hefur verið frá því að lítið hlutfall dýra sé ónæmt fyrir svæfingaráhrifum ketamíns í venjulegum skömmtum.

Athugið að lengri tíma getur tekið fyrir lyfið að hafa full áhrif þegar það er gefið undir húð hjá köttum.

4.5 Sérstakar varúðarreglur við notkun

Sérstakar varúðarreglur við notkun hjá dýrum

Ekki á að nota atipamezól til að vinna gegn áhrifum ketamíns-medetomidíns hjá hundum eða köttum fyrir en 45 mínútum eftir gjöf ketamíns, þegar áhrif ketamíns hafa dvínað.

Undirbúningur fyrir aðgerð:

Eins og við á um öll svæfingalyf eiga dýr að fasta í 12 klukkustundir fyrir svæfingu með ketamíni.

Svæfing:

Við svæfingu með ketamíni haldast augu dýra opin og því þarf að verja þau gegn þornun á viðeigandi hátt við aðgerðir sem taka langan tíma (með viðeigandi smyrslum).

Vöknun:

Mikilvægt er að dýrin séu í hljóðlátu og rólegu umhverfi við lyfjaforgjöf og vöknun.

Dýrin ná hafa yfirleitt náð fullri rænu efir 2 klukkustundir, en einstaka sinnum getur þetta tekið lengri tíma. Hjá hundum verður einstaka sinnum skynhreyfitaugaörvun (psychomotoric excitation) með ýlfri.

Sérstakar varúðarreglur fyrir þann sem gefur dýrinu lyfið

Einstaklingar með þekkt ofnæmi fyrir ketamíni eða hjálparefninu eiga að forðast að komast í snertingu við dýrallyfið.

Forðist að fá dýrallyfið á húð eða í augu. Ef dýrallyfið berst á húð eða í augu á að skola það tafarlaust af með miklu vatni.

Ekki er hægt að útiloka skaðleg áhrif á fóstur. Þungaðar konur eiga ekki að handleika dýrallyfið.

Lyfið er öflugt og sá sem gefur það þarf að gæta þess vandlega að gefa sér það ekki fyrir slysi.

Ef sá sem annast lyfjagjöf sprautar sig með dýrallyfinu fyrir slysi eða ef einkenni koma fram eftir að dýrallyfið berst í augu eða munn, skal tafarlaust leita til læknis og hafa meðferðis fylgiseðil eða umbúðir dýrallyfsins. Ekki má aka.

Upplýsingar til læknisins:

Ekki skilja sjúklinginn eftir án aðgæslu. Haldið loftvegum opnum og veitið meðferð samkvæmt einkennum, ásamt stuðningsmeðferð.

4.6 Aukaverkanir (tíðni og alvarleiki)

Ef lyfið er gefið í vöðva getur því fylgt verkur.

Aukin vöðvaspenna (vegna skorts á hömlun utanstrýtukerfis), sjaldgæft er að hraðsláttur og blóðþrýstingshækkun komi fram, aukin slefa (vegna örvarunar á heilastofni). Ef ekkert vöðvaslakandi lyf er gefið samtímis getur aukin vöðvaspenna valdið skjálfta eða krampaflogum.

Meðal samtímis áhrifa sem komið geta fram við notkun ketamíns eru örvun hreyfitauga, opin augu, augntin (taktfastar augnhreyfingar), ljósopsvíkkun og aukið næmi, einkum fyrir hljóði, meðan á svæfingu og vöknun stendur.

Ketamín veldur skammtaháðri öndunarbælingu, sem getur leitt til öndunarstopps, einkum hjá köttum. Notkun samhliða lyfjum sem valda öndunarbælingu getur aukið þessi áhrif á öndunarfæri.

Tíðni aukaverkana er skilgreind samkvæmt eftirfarandi:

- Mjög algengar (aukaverkanir koma fyrir hjá fleiri en 1 af hverjum 10 dýrum sem fá meðferð)
- Algengar (koma fyrir hjá fleiri en 1 en færri en 10 af hverjum 100 dýrum sem fá meðferð)
- Sjaldgæfar (koma fyrir hjá fleiri en 1 en færri en 10 af hverjum 1.000 dýrum sem fá meðferð)
- Mjög sjaldgæfar (koma fyrir hjá fleiri en 1 en færri en 10 af hverjum 10.000 dýrum sem fá meðferð)
- Koma örsjaldan fyrir (koma fyrir hjá færri en 1 af hverjum 10.000 dýrum sem fá meðferð, þ.m.t. einstök tilvik)

4.7 Notkun á meðgöngu, við mjólkurgjöf og varp

Meðganga:

Ketamín fer yfir fylgju. Aðeins má nota lyfið að undangengnu mati dýralæknis á ávinningi og áhættu. Ekki má nota ketamín í kringum fæðingu.

Mjólkurgjöf:

Aðeins má nota lyfið handa mjólkandi dýrum að undangengnu mati dýralæknis á ávinningi og áhættu.

4.8 Milliverkanir við önnur lyf og aðrar milliverkanir

Sefandi og sterk verkjastillandi lyf (neuroleptanalgesics), róandi lyf, morfín hliðstæður, címetidín og klóramfenikól magna svæfingaráhrif ketamíns.

Barbitúröt og ópíöt eða díazepam geta lengt vöknunartíma. Samlegðaráhrif geta komið fram og gæti þurft að minnka skammta af öðru hvoru lyfinu eða báðum. Hugsanlega er aukin hætta á hjartsláttartruflunum ef lyfið er notað ásamt tíópentali eða halótani. Halótan lengir helmingunartíma ketamíns.

Ef krampastillandi lyf eru gefin samtímis í æð getur það valdið losti.

Ef teófillin er gefið samtímis ketamíni getur það valdið aukinni tíðni krampa.

Notkun á detomidíni samhliða ketamíni gefur hægan afturbata.

4.9 Skammtar og íkomuleið

Áhrif ketamíns geta verið mjög breytileg frá einu dýri til annars og því er ráðlagt að stilla skammta að þörfum hvers dýrs með tilliti til aldurs, ástands, ásamt þeirri dýpt og lengd svæfingar sem óskað er. Hægt er að lengja áhrif með endurtekinni gjöf minnkaðs upphafsskammts.

Gefa má lyfið í bláæð (hestar, nautgripir, hundar og kettir), í vöðva (svín, hundar og kettir) og auk þess undir húð hjá köttum.

Við gjöf ásamt öðrum lyfjum: Gangið úr skugga um að dýrið sé nægilega sljónvgað áður en ketamín er gefið.

HESTAR

Lyfjaforgjöf með róandi lyfi er nauðsynleg til að svæfingaráhrif verði fullnægjandi:

Til innleiðingar svæfingar

Ásamt detomidíni:

Detomidín 20 míkrog/kg í bláæð, eftir 5 mínútur

Ketamín 2,2 mg/kg gefið hratt í bláæð (2,2 ml/100 kg)

Áhrifin koma smám saman fram og eftir u.þ.b. 1 mínútu leggst dýrið og endast svæfingaráhrifin í u.þ.b. 10-15 mínútur.

Ásamt xylazíni:

Xylazín 1,1 mg/kg í bláæð, fylgt eftir með

Ketamín 2,2 mg/kg í bláæð (2,2 ml/100 kg)

Áhrifin koma smám saman fram á u.þ.b. 1 mínútu og er ending svæfingaráhrifanna breytileg á bilinu 10-30 mínútur, yfirleitt styttri en 20 mínútur.

Eftir lyfjagjöf leggst hesturinn niður án þessa að fleira þurfi til. Ef þörf er fyrir samtímis vöðvaslökun er hægt að gefa liggjandi dýrinu vöðvaslakandi lyf þar til fyrstu einkenni slökunar koma fram.

NAUTGRIPIR

Til að forðast að dýrið leggist niður stjórnlaust og sýni einkenni æsings, eða til að efla svæfingaráhrif, er ráðlagt að gefa slævandi lyf sem lyfjaforgjöf. Til að forðast súrefnisskort vegna legu á hlið eða hrygg er hægt að gefa súrefni um nasaslöngu.

Til innleiðingar svæfingar

Ásamt xylazíni:

Xylazín 0,14-0,22 mg/kg í bláæð eða vöðva, fylgt eftir með

Ketamín 2-5 mg/kg í bláæð (2-5 ml/100 kg)

Áhrifin koma smám saman fram á u.þ.b. 1 mínútu og endast svæfingaráhrifin í u.þ.b. 30 mínútur.

Nota skal lægri skammtana ef xylazín er gefið í bláæð.

SVÍN

Til innleiðingar svæfingar

Ásamt azaperóni

Ketamín 15-20 mg/kg í vöðva (1,5-2 ml/10 kg)

og 2 mg/kg azaperón í vöðva.

Hjá 4 – 5 mánaða gömlum svínnum koma áhrif af gjöf 2 mg/kg af azaperóni 20 mg/kg samtímis ketamíni í vöðva fram eftir 29 mínútur að meðaltali og áhrifin vara í u.þ.b. 27 mínútur.

HUNDAR

Ekki er hægt að nota ketamín sem eina svæfingarlyf hjá hundum vegna þess að það veldur aukinni vöðvaspennu og ósamhæfðum vöðvasamdrætti.

Til innleiðingar svæfingar

Ásamt medetomidíni

Medetomidín 40 míkrog/kg í vöðva, fylgt eftir með

Ketamín 5-7,5 mg/kg í vöðva (0,5–0,75 ml/10 kg)

Ending áhrifanna er á bilinu 30-50 mínútur eftir því hvaða skammtur er notaður.

Ásamt xylazíni

Xylazín 2 mg/kg í vöðva,

eftir 10 mínútur

Ketamín 10 mg/kg í vöðva (1 ml/10 kg).

Hjá hundum sem vega meira en 25 kg á að minnka skammt af xylazíni í 1,3 mg/kg.

Áhrifin koma yfirleitt fram innan 10 mínútna og endast þau í u.þ.b. 30 mínútur.

Ásamt díazepamí

Gefið díazepam 0,25 mg/kg í bláæð og síðan tafarlaust ketamín 5 mg/kg í bláæð (0,5 ml/10 kg).

Ketamíni skal gefa með hægri inndælingu og í samræmi við árangur þegar það er gefið í bláæð.

Nota skal videigandi forlyf til að tryggja næg róandi áhrif áður en samsetning díazepams og ketamíns er gefin og til þess að auðvelda barkaþræðingu. Byggja skal ákjósanlegustu skammtaáætlun á því hvað forlyf hefur verið notað í hverju tilfalli. Áhrifin vara að meðaltali í 10 - 20 mínútur.

KETTIR

Nota má ketamín sem eina svæfingarlyf hjá köttum, en ráðlagt er að nota það ásamt öðrum svæfingarlyfjum til að forðast óæskileg skyntaugahreyfiáhrif (psychomotoric effects).

Ketamín má nota eitt sér til inndælingar í bláæð en ráðlagt er að gefa lyfið með inndælingu í vöðva.

Ketamíni skal gefa með hægri inndælingu þegar það er gefið í bláæð.

Lyfið notað eitt sér

11 mg/kg ketamín í vöðva/í bláæð til vægrar hreyfingahömlunar

22-33 mg/kg ketamín í vöðva/í bláæð fyrir minni háttar aðgerðir og til að hamla hreyfingum óstýrilátra katta.

Svæfing með ketamíni varir venjulega 20 – 40 mínútur og batatímabilið er 1 – 4 klst.

Til innleiðingar svæfingar (svæfing <1 klukkustund)

Ásamt medetomidíni

Medetomidín 80 míkrog/kg í vöðva, fylgt eftir með

Ketamín 5–7,5 mg/kg í vöðva (0,25-0,4 ml/5 kg)

Áhrifin koma yfirleitt fram á 3-4 mínútum og endast í 30-60 mínútur.

Áhrifin koma yfirleitt fram eftir 3-4 mínútur og endast í 30-60 mínútur, eftir því hvaða skammtur er notaður.

Ásamt xylazíni

Xylazín 1-2 mg/kg í vöðva eða undir húð og

Ketamín 10–20 mg/kg í vöðva eða undir húð (0,5-1 ml/5 kg)

Nota skal lægsta skammt af xylazíni (1 mg/kg) ef hæsti skammtur af ketamíni (20 mg/kg) er notaður.

Áhrifin koma yfirleitt fram innan 5 mínútna frá gjöf ketamíns og endast í a.m.k. 30 mínútur.

Vegna lítils skammtarúmmáls er ráðlagt að nota insúlínsprautu eða sambærilega sprautu til að mæla skammta nákvæmlega.

Ekki er óhætt er að stinga oftar en 25 sinnum gegnum gúmmítappann.

4.10 Ofskömmtnun (einkenni, bráðameðferð, móteitur), ef þörf krefur

Við ofskömmtnun geta komið fram hjartsláttartruflanir og öndunarbæling, allt upp í öndunarlömun. Ef nauðsyn krefur á að nota viðeigandi búnað til að viðhalda öndun og hjartaafköstum þar til fullnægjandi afeitrun er lokið. Ekki er ráðlagt að nota lyf til að örva hjartað nema önnur úrræði séu ekki tiltæk.

4.11 Biðtími fyrir afurðanýtingu

Hestar og nautgripir:

Kjöt og innmatur: Núll dagar.

Mjólk: Núll klukkustundir.

Svín:

Kjöt og innmatur: Núll dagar.

5. LYFJAFRÆÐILEGAR UPPLÝSINGAR

Flokkun eftir verkun: Almenn svæfingalyf, ATCvet flokkur: QN01AX03.

5.1 Lyfhrif

Ketamín er öflugt skynrofs-svæfingarlyf (dissociative anaesthetic). Lyfið veldur dástjarfa með minnisleysi og verkjastillingu: vöðvaspenna helst, þ.m.t. viðbrögð í koki og barkakýli.

Hjartsláttartíðni, blóðþrýstingur og hjartaafköst eru aukin; öndunarbæling er ekki áberandi.

Öll þessi áhrif geta breyst ef lyfið er notað samtímis öðrum lyfjum.

5.2 Lyfjahvörf

Ketamín dreifist hratt og algerlega um líkamann. Lyfið fer yfir fylgju, en þéttni í fóstri er miklu minni en í blóði móður. Próteinbinding í blóði er u.þ.b. 50%. Dreifing til vefja er ójöfn, mesta þéttni er að finna í lifur og nýrum. Lyfið umbrotnar hratt og algerlega, en umbrot eru mismunandi eftir dýrategundum. Útskilnaður er einkum um nýru.

Hjá hestum er C_{max} (eftir stakan 2,2 mg/kg skammt af ketamíni í bláæð) 685±147 ng/ml, og T_{max} er 2 klukkustundir. Hjá nautgripum er C_{max} (eftir stakan 5 mg/kg skammt af ketamíni í bláæð) 18.135 ng/ml, og T_{max} er 0,083 klukkustundir. Hjá svínunum næst C_{max} 11,6 míkrograms/ml og T_{max} næst 5 mínútum eftir stakan 15 mg/kg skammt í vöðva. Hjá hundum og köttum var hámarksildi í vefjum eftir gjöf 20 mg/kg í bláæð 42% af upphafsskammti, og T_{max} náðist á innan við 10 mínútum.

6. LYFJAGERÐARFRÆÐILEGAR UPPLÝSINGAR

6.1 Hjálparefni

Benzethoníumklóríð
Vatn fyrir stungulyf

6.2 Ósamrýmanleiki sem skiptir máli

Ekki má blanda þessu dýrallyfi saman við önnur dýrallyf, þar sem rannsóknir á samrýmanleika hafa ekki verið gerðar.

6.3 Geymsluþol

Geymsluþol dýrallyfsins í söluumbúðum: 3 ár.
Geymsluþol eftir að innri umbúðir hafa verið rofnar: 28 dagar.

6.4 Sérstakar varúðarreglur við geymslu

Geymið ílátíð í ytri umbúðum til varnar gegn ljósi.
Geymið við lægri hita en 25°C eftir að umbúðir hafa verið rofnar.

6.5 Gerð og samsetning innri umbúða

Hettuglas úr glæru gleri af tegund I (Ph. Eur.) mað tappa úr brómóbútyl-gúmmí af tegund I (Ph.Eur.) og álhettu í pappáöskju.

Pakkningastærðir: 1 x 10 ml, 5 x 10 ml, 1 x 50 ml.

Ekki er víst að allar pakkningastærðir séu markaðssettar.

6.6 Sérstakar varúðarreglur vegna förgunar ónotaðra dýrallyfja eða úrgangs sem til fellur við notkun þeirra

Farga skal öllum ónotuðum dýrallyfjum eða úrgangi vegna dýrallyfja í samræmi við gildandi reglur.

7. MARKAÐSLEYFISHAFI

VetViva Richter GmbH
Durisolstrasse 14
4600 Wels
Austurríki

8. MARKAÐSLEYFISNÚMER

IS/2/12/014/01

9. DAGSETNING FYRSTU ÚTGÁFU MARKAÐSLEYFIS/ENDURNÝJUNAR MARKAÐSLEYFIS

Dagsetning fyrstu útgáfu markaðsleyfis: 12. desember 2012.

Nýjasta dagsetning endurnýjunar markaðsleyfis: 26. október 2017.

10. DAGSETNING ENDURSKOÐUNAR TEXTANS

02. febrúar 2023.

TAKMARKANIR Á SÖLU, DREIFINGU OG/EDA NOTKUN

Lyfseðilsskylt dýralyf. Notkun er bundið við að dýralæknir annist gjöf dýralyfsins.